

I N T R O D U C T O R I A.

depositis illis, quæ ad aliam censuram pertinent, propterea laude sua fraudanda non esse judico, quæ illam mereantur. Imo, si his rebus animum advertere placeret, necesse profecto esset, solidiora documenta pro damnanda fama Viri cuiuscunque investigare, quam *vocem populi, odium aulæ, accusationes persecutorum, damnationes Religiosorum, & qua-*libet *testimonia in propria causa*. Sed non jam hæc nostra sunt; Illud vero nostrum facimus, Beccherum in Physica hac subterranea, circa Theoriam Geneseos seu potius *innos*ateas subterraneorum, ita solidis Theoriis, argumentis, experimentis, usum esse; Ea scientia, industria, peritia, constantia, connectendi & concludendi *circumspet*tion*e*, in hoc argumento usum atque potitum esse, quam nemo alias, neque ante ipsum, neque post ipsum, imo ne quidem per ipsum, in hodiernum usque diem. Abstine-te quæso, & parcite, imprimis qui sine autoritate & fide judicatis, quod facitis, hic mihi imputare, quod *per obliquum*, dum Beccherum ita laudo, *meas laudes indicem*: qui me interpretationi ejus parem fore speraverim. Perpendite vobiscum, pro vestris animi conceptibus, quibus nihil sterile, exiguum, & ratione magis, quam *usu & questu* conspicuum, vel hujus æstimatur, annon insignite injuriam mihi feceritis, si in rebus ita *sterilibus, speculativis, & longe infra* *ang*Be*ic*av** hodiernarum absolute mechanicarum demonstrationum, subsistentibus, homini, quod certe non omnes nescitis, non plane bardo atque stupido, exultandi, arrogandi, superbiendi, materiam, aut occasionem tribuatis: Imo hoc ipso de vestro potius judicio, sinistrum moderiorum arbitrium, - - si quæ est ea cura, expectare debeatis. Quæ autem præter hæc argumenta, ulterius, solidissime ab omnis nimis de me ipso fiducia suspicione me liberare possint, illa sunt: I. quod Autoris nostri tota Theoria ejusque tam fundamenta, quam documenta, atque experimenta, sit negotium in se *simplex, planum, & ab Autore jam bene concinnatum atque confir-*matum. II. Quod huic rei jam a multis annis animum applicuerim; Quod testatur Collegium, anno 1684. a me Jenæ habitum; quod sicut a me ad calatum dictatum fuerat, curiositate non minus, quam solertia, studiosorum, in multorum pervenit manus. III. Quod oppido pa-rum, imo quantum ego, ingenuo loquendo, sciam, nihil æstimationis aut existimationis, obtinuerit hæc Autoris Physica, apud omnes illos, quicunque his rebus limam aliquam ulteriore adhibere, pro reliqua sua eruditione, aut munere, potuissent aut debuissent; IV. Si vel maxi-